

Prvi zamjenik visokog predstavnika Larry Butler apeluje na organe vlasti BiH da iskoriste priliku za veća regionalna ulaganja i trgovinu

Prvi zamjenik visokog predstavnika Larry Butler danas je apelovao na članove Vijeća ministara BiH da daju podršku velikoj trgovinskoj inicijativi koja će u četvrtak biti pokrenuta u Bukureštu pod pokroviteljstvom Pakta stabilnosti. Od premijera svih zemalja ove regije očekuje se da formalno izraze opredjeljenje da pregovaraju o istovremenom pridruživanju i izmjeni Srednjoevropske zone slobodne trgovine (*Central European Free Trade Area – CEFTA*) do kraja ove godine. Ovim će se ojačati i proširiti napredak koji je, također pod okriljem Pakta stabilnosti, već postignut u poboljšanju trgovinskog režima u regiji kroz mrežu bilateralnih trgovinskih sporazuma.

“Ovo je prilika da se Bosna i Hercegovina pridruži regionalnoj mreži slobodne trgovine,” rekao je ambasador Butler. “Cilj je da se tržište BiH otvori za trgovinu i ulaganja koji će donijeti nova radna mjesta, te da se druga tržišta u jugoistočnoj i srednjoj Evropi još više otvore za robu i usluge iz BiH. To je u skladu sa generalnom strategijom BiH da osigura sve veću integraciju u evropske strukture, uključujući i integraciju u Evropsku uniju i u multilateralni trgovinski sistem.”

Ambasador Butler je rekao da, iako je BiH iskusiła poteškoće u provedbi nekih aspekata ugovora o slobodnoj trgovini koji je

zaključila sa svojim najbližim susjedima, "ti sporovi ne smiju postati prepreke za učešće BiH u projektu koji će donijeti stvarnu korist građanima. Postojeći sporovi moraju se riješiti, no istovremeno BiH ne smije propustiti priliku da se u četvrtak pridruži svojim susjedima i izrazi važno opredjeljenje za regionalnu saradnju."